

# Avegnir intschert da la gasetta «Punts»

■ (anr/fa) La gasetta interrumsantscha per juvenils «Punts» exista dapi primavaiva 1994. Dacurt han decis la redacziun da las «Punts» e la GiuRu sco editura dad analisar las differentas pussaivladads per la publitgar er en avegnir. La gasetta «Punts» ha l'intent da promover il contact e la chapientscha tranter ils juvenils rumsantschs. Punts è nada suenter la fusiun da las gasettas da juvenitetgna «Talina» ed «Igl Zundrign» l'onn 1994. La gasetta che cumpara mintga mais ha tranter 400 e 450

abunents. Il budget annual importa 35 000 francs. Causa las finanzas limitadas, ma era pervi da memia paucs juvenils interessads da scriver contribuziuns s'han radunads dacurt il secretari *Clau Dermont* e las redacturas da las «Punts» *Jasmin Epp*, *Victoria Mosca* e *Floriana Sonder* cun la Juventetgna Rumsantscha (GiuRu) che vegn presidiada da *Gion-Andri Cantieni*. «Nus avain decis dad analisar manidlamain las differentas pussaivladads che nus avessan per pudair publitgar nossas «Punts» er en avegnir», di Clau Dermont. Ina da quellas opziuns fiss la cumparsa mo pli en l'internet, in'otra dentant era la collavuraziun cun gasettas rumsantschas. La Quotidiana als ha fatg la proposta da publitgar, sco ch'ella fa quai cun contribuziuns dal Chardun, regularmain era contribuziuns da las «Punts». Forsa fissan er autras gasettas rumsantschas prontas da far quai? «Nus ans prendain uss fin la fin da november il temp per examinar tut las differentas opziuns e per decider co proseguir», concluda il secretari da las «Punts».

